
گروہک

بیزن مراد دشتی



بلوچی اکیڈمی

عدالت روڈ کویٹہ

www.balochiacademy.org

(c) All rights are reserved.

اے کتاب ۽ درائیں حق گوں بلوچی اکیڈمی ۽ انت۔
بیدۂ اکیڈمی ۽ رضاء کس ایشی ۽ مواداں چھاپ کت نہ کنت۔

گروہگ

(شاعری)

بیزن مراد دشتی

اولی چھاپ: 2021

ISBN # 978-969-680-139-9

نہاد: = /100

بلوچی اکیڈمی ۽ اے کتاب ذکی پرنٹنگ پریس کراچی ۽ چھاپ کناسٹنگ ۽ شنگ کتگ۔

نامدات

ہمائیء نامء کہ منی نہ انت

لڑبندی

- 1- منی حیاں ۽ بیزن 1
- 2- کُلّیں جہان ۽ مالک ۽ 2
- 3- لوگ ۽ درادر اتلگ 3
- 4- گندیل، بیٹ، سری گومازاں 5
- 5- سر چمگے بَجیت ماں نودانی کوچک ۽ 8
- 6- گنوکیں دل کہ مرچاں سار کپتنگ 9
- 7- جور پلاں وت ۽ گریوگ کشت 11
- 8- مارانماں ژند ژند کتگ 13
- 9- موسم پداپر ترینگ 15
- 10- کپتنگ گران سرین ڈکالے 17
- 11- من گوں ارماناں دل ۽ 21
- 12- پیڑاتگ لئاں موسم 23
- 13- من کتگ تی ودار بے مٹ 24
- 14- دل زریٹ من زراں 25
- 15- موسم پہ ڈولے سمبہیت 26

- 16- من چوشئےء ووتا داگ داگی کتنگ 28
- 17- تئی شوہازء در کپتتاں من نزانٹ چور دباں 29
- 18- بہ گوارانت لبشی جمبر 30
- 19- بر پیں بدن آساں بہ بات 31
- 20- رپنگاں دور من دراں ڈیہہ ء 32
- 21- یات شتزانٹ سر بہاراں چم نہ گند آنت کس ء 34
- 22- گوں من ء نہ بیت اوژناگ 36
- 23- تہاری بیت جہان ء رُژنے تالان 37
- 24- دنیا ء بازیں تژن ء شنگانے سراکتگ 38
- 25- گل ء من پیم نہ باں توپہ مجتئی بیائے 39
- 26- تئی خمار و ابے کہ پر شیت چتاں 40
- 27- گوں وتی بانوری پچاں 41
- 28- ترانگ ء زہیر ان انت 42
- 29- بہ مانیت زندگی تاں کد 43
- 30- دلبر ء دوستیں ہمسر اں چاپ انت 45
- 31- منی تو دیدگ ء جان ء جگر بیا 47
- 32- اومانان مناشر زرتگ 48
- 33- ہؤراں گورنگ ء موسم شنگیتگ 50
- 34- چماں شانک دئے بچار ہر کجا جمبریں 52
- 35- تڑمپ تڑمپ ء شل آنت ارس چہ دیدگاں 53

- 36- رُ م ب رُ م ب ء گوز آنت کاڑ مہگو نگیں 55
- 37- گو ا ر آنت موسمی تر ندیں ہو ر 57
- 38- سمبہیت دلبر گ دل بہاراں کپیت 59
- 39- بانگ نیم خیال آگاہ انت 61
- 40- زہیراں زرت منارا مانی 63
- 41- جلوہ داریں میتگ ء کشک ء راہاں تند بستگ 66
- 42- بچاں پہ مراد رو دیناں 67
- 43- دو چیت جامگاں خونیناں 69
- 44- بے و ہد ء پل سر پتگ آنت 71
- 45- و ہد ء باریگ گو ستگ آنت 73
- 46- جٹ ء گندل کنناں 76
- 47- ہمیش انت مئے شاعر دگہ چے بہ کنت 78
- 48- و تابہ ر کین بدانی آس ء 79
- 49- زندگی چو گو شے کہ زندا نے 81
- 50- اے بزگی ء واری مئے قسمت ء نصیب انت 82
- 51- جمبر اں بستگ نود ء ساچاں انت 83
- 52- یل دئے مارا وتی چنڈ شار ء برو 84
- 53- آ کہ تئی ملپد ء ملگزار کپتگاں 85
- 54- سر مچار لشکر بہ باتاں 87
- 55- آزماں کہ شارے ء رنگ ء کپیت 89

- 56- نود شنز آنت زاپرا نیں 90
- 57- اینگو، آنگومہ کن منگی انت ترا 92
- 58- نود مرچی شنزگ ء انت 93
- 59- تووتی شپپاریں مہیراں پلگار 94
- 60- گوآت کشیت تئی مہیراں شنک کنت 95
- 61- چاپ جن انت کوش ء سمین 96
- 62- بچار زرد ء رابے زبانیں 97
- 63- پھر مہ بند کہ، کہبگیں دہرپہ تو دوزوا ہے نہ بیت 98
- 64- اوکپوت سبزیں بال ء نیم بالیں 99
- 65- منیگ ء تئی باریں چوں بیت آسر 101
- 66- دل سریں جمہراں آزماں پوشیتنگ 102
- 67- مارا چونیں داد بختیت 104

منی حیال ء بیزن

چیزے نابزانتیں دانک پہ واجہ بیزن مراد ء درشان کنگ ء واہگ انت۔
 واجہ بیزن مراد 1996 ء ماں دلمراد ء لوگ ء ودی بیٹگ۔ آئی ء وتی بنداتی وانگ چہ
 ڈڈھ پڈی ء وننگ ء دربرتگ۔ لہنتیں وهد ء آڈگاری کہن ء وانگ ء شتگ ء ہپت ء
 ہشت جماعت ہمودادربرتگ۔ دیمتر آئی ء نہ وننگ یا وانگے نہ رستگ آبزانت ء
 آئی ء وهد ء باریک، بلئے بیزن مراد ء گوں وتی زبان ء سک باز مہر ء دوستی بوتگ۔
 آئی ء کسانى ء بلوچی ء وانگ ء واہگ بوتگ۔ آئی ء وتی زبان ء شریں وڑے ء
 نبشتہ کتگ۔ دستونک، سوت ء لچہاں وتی سرگیں ڈیہہ، کوچگ ء زیدنازیٹنگ انت۔
 مرچی اگاں ماچیزے دربرتگ داں آہم واجہ بیزن ء بدولت ء۔ بیزن مراد ہسے جہد
 کنگ ء انت کہ آئی ء زبان گیشتر زیبانک ء ڈولدار بہ بیت۔

مناوتی زبان ء الکاپیں سرپدی نیست ناں کہ من چیزے زاناں، ایش پہ من ء
 مزنیں کارے بلئے بیزن مراد ء من ء تواریپر کنگ کہ آئی ء بابت ء چیزے نبشتہ بہ کنناں
 گڈاں من انکاری نہ بوتماں۔

مرچی بیزن شمنے دیم ء انت۔ آئی ء شعراں شامچون چارات من زانت نہ
 کنناں بلئے اے الم گوشتاں کہ وتی زبان ء وتی دود ء ریدگاں شمشکار مہ بنیت۔

بلوچی زبان زندبات

کُلّیں جہانِ مالکِ عے

کُلّیں جہانِ مالکِ عے
روزی دیوکِ عے رازقِ عے

تئی مہر شتریتِ جمہری
ہر کس اُمید وار چہ ترا

آزمانِ گوںِ استاراںِ ترپیت
مسکیں زمینِ سر سبز بیت



لوگ ۽ درادراتلگ

وتی چه لوگ ۽ در ۽ دراتلگ
 په سر دری ۽ بے سما دراتلگ

آ موجریں کاڙ گوں دزگوہاراں
 شپانی نیم ۽ کجا دراتلگ

گوں ہمک کس ۽ مه کن تو گلہ
 اے چیریں رازے چیا دراتلگ

وفا ۽ شوہاز مه کن نوں ہچیر
 وفا ۽ ہلک ۽ وفا دراتلگ

پہ بے وفا ۽ من ۽ نہ کنت زہیر
 منی مروچاں دل ۽ دراتلگ

دل ۽ مہ کن من مسکراکت
 پہ گپ گپ ۽ دپ ۽ دراتلگ

مہ ترس کہ بیزن پہ حاتر ۽ تو
 پہ اوست ۽ امیت شپ ۽ دراتلگ



گندیل، بیٹ، سری گومازاں

گندیل بیٹ سری گومازاں
 کوہی رشتگیں پیمازاں
 سنیل ء ملپد ء ملانی
 روچے من وتا شوہازاں

میش ء بزگلاں گزنیگاں
 از بوتک آلکو لانٹیکاں
 ما پہ سر بہاری شنزراں
 دیر انت نشنگ ء تُنیکاں

آپی تڑپے ء گیمرتگ
 وشٹامیں کُئر کور آپ ء

آپ ۽ گوٺرم بہ بات کمتھی کب
 بیگاهاں کپوتانی رُمب
 گوات کثیت سرا چندینیت
 گور کاہ ۽ لدگ روباہ دمب

ساہگ امبوہیں کہیرانی
 زیباہی چگرد پلانی

حالے کوچگاں چو پرشتگ
 گوں مسک ۽ دُناں سر ششتگ
 انچو گُپت کتگ پیریناں
 زاناں نوں بہار پرگوٺستگ

جمبر سیاہ بزیں گوات بنداں
 خشکیں ساہگ ۽ سرگرداں

گرآپی تپ ء ترزانی
شہموکیں گروک دل بنداں

ہوراں درد کتگ بپی آں
کوہ ء ترشپک ء ترپشی آں
بیزن ما جناں کنڈے ء
دوراں ہر وڑیں وشی آں



سر چمگے بھجیت ماں نودانی کو چگ ۽

سر چمگے بھجیت ماں نودانی کو چگ ۽
ترپشک رُ دانت چو گُش ۽ کوہانی کو پگ ۽

موسم تو مہلینتگ چماں شراب رنگ
وشبو زباد مالیں گواتانی کو پگ ۽

مہرانی نود شنز انت سبز انت گروہگیں پل
لڈیت دل چو کپوت دُرچکانی کو پگ ۽

شپ چو بالی مُرگے ۽ پہ ریچیت بانزلاں
ایرکنت من ۽ من زاناں یاتانی کو پگ ۽



گنوکیں دل کہ مرچاں سار کپتگ

منی زرد ء غمانی ہار کپتگ
 منا را ہمسفر بیا کار کپتگ

بلتے دلگران انت مرچی پلین زرگوات
 نہ کنت تئی مہلباں آتار کپتگ

ہزار بر بُرء مان دئے ہیچ نہ بیت انت
 بیا کہ بحت ء مئے استار کپتگ

چہ دور ء سبزیں سولانی نیاداں
 کپوتاں غم پہ خشکیں دار کپتگ

پدا گوات ء دل ء پٹے کدینتگ
 سر ء تئی بے انانی شار کپتگ

نہ زاناں چوں بہ گوآزیناں اے روچاں
 منا را زندگی گران بار ء کپتنگ

نہ گندے بیزن ء نوں زندگی ء
 تئی گوں ترانگاں آوار کپتنگ



جور پلاں وت ۽ گریوگ کُشت

جور پلاں وت ۽ گریوگ کُشت
 کوہاں سرگیں زید ۽ مئے
 ارساں گوں وتی بالاد نُشت

موسم انچش انت بے واکیں
 دلبند کبھی ۽ چاک چاکیں

آسکاں یل کتگ ٹہل ۽ داب
 کرگوشکاں وتی نرمیں واپ
 کاڑاں یل کتگ سینگارگ
 مسکیں مہپراں پیچ ۽ تاب

مہر پہک ء شتگ بیگواہ انت
 زر ء دولت ء ہمراہ انت
 ہو ڈے کہ ہمیش انت دنیا
 بیزن چو چیا گمراہ انت



مارا غماں ژند ژند کتگ

مارا غماں ژند ژند کتگ
چو کوہ سنگیں گردو دریں

تو بے سماہ بے حاجت ئے
ما دائم ء پر تو زریں

دوزواہے ء پاد مال کت انت
واہگ منی بُور ء بریں

گوں وِشیاں مشکول ات ئے
ما گوں غماں چیر ء سریں

پہ واہگے مرگ ء منی
 ماہل چیا سیاہ چادریں

لال ء منی پیشانی ء
 سانجارو ء رنگے پریں



موسم پدا پر ترینگ

موسم پدا پر ترینگ
 نیکیں دعاے لوطیگ
 بلکیں حدا ہورے بہ دنت

جمبر سر ء ماں سیاہ بزاں
 چاراناں زید ء کوچگاں
 کمتی ء چمگ کٹیتگ
 بلکیں حدا ہورے بہ دنت

اے دڑچک ء داراں دعا کتگ
 زمیں دل ء را آپ کتگ
 دلبند زمین ء ترینگ
 بلکیں حدا ہورے بہ دنت

کیت انت بہار گاہے کدی
 دُکال ءِ غم بیتِ انتِ پدی
 دل گوں غماں ایر بگیتگ
 بلکیں حد ا ہورے بہ دنت



کپتنگ گران سریں ڈکالے

کپتنگ گران سریں ڈکالے
 کیت انت کد بہاری سالے
 دشت ء نرنگیں دلبند ء
 آسے دائم ء جمبور انت

نیکہ جمبرے سر شانیت
 نیکہ شنزگ ء نودے کئیت
 دشت مئے سرجم ء ویران انت

کپتنگ تزانگاں عہدانی
 دشت ء سیاہ بزیں کہیرانی
 بے چاڑ انت کپوت بلانی

کو کوواں کن اَنت دل بُرّیں
بیگاہاں زہیری نال اَنت

انچو کہ گوّشے ارسِیگ اَنت
درائیں دڑچک ء دار پُرسِیگ اَنت
ماتیں مئے وطن ویران اَنت
بچانی غماں بریان اَنت

زرتگ بُلبلاں پریاتے
پر بنداں کپوت آیاتے
حشکسِیں ڈنگر ء ڈیڈاراں
نالیت ء گوّشیت ارمانی
بے تاکسِیں کلیر دشتانی
بارس کد بنیت سہر دانگ
شاپ اَنت اش گلّیں دردانگ

دشت ۽ سرگمیں سر تلاں
 ہچی گواہ نہ دنت ہچی نیست
 نازاکیں چگرد سیہ سیاہ انت
 خشکیں کپتگیں لانیگاں

لیڑہ وش توار دڑپوکیں
 گر ۽ گپتنگ ۽ نادڑاہاں
 ساربان نشنگ ۽ حیران انت
 عہدی ترانگاں گیران انت

صد بندیں رگ کانڈرتگ
 شوانگ چہ غماں گیمرتگ
 انچو زید مے سیاہ سُننگ

ماتیں گلز میں تامور انت
 بازیں چہ غماں رنجور انت

سینگ تڑکیتگ، جیگ انت چاک
 زیمانی دل انت سیاہ پوشاک
 درنئیت تڑونگلیں ارے ہم
 آزمان انت گوٹھے بے گویاک

بیزن زاناں کہ محشر بیت
 درائیں قصہ اول آسر بیت



من گوں ارماناں دلء

من گوں ارماناں دلء
 زہکے بوتیناں دڑیگتے
 آگوستگیں و ہدء ہما
 یات، دلء برانت منی
 گور تیچء و ہدے کشیتگ
 ما کڈکء آس روکت کتگ
 آسء سہرا کہ نشتگیں
 داں و پسگء و ہدء وتی

سہبء سہرا پادا اتنگاں
 چاہ ما گوں پچھاں وار تگاں
 زرتگ کلنڈیں داسکے
 دیم پہ تننگیں بیلگاں
 ریک ء بگ ء پہ نرمگاں

رُستگ گر اپا دپیملک
 ماگوں ہمیشاں لیب کتہ
 گو تگ وئی کٹ پُر سکتہ
 لوگ ءہے ما آور تگ انت
 وش ات ہامئے زندگی
 وش ات ہامئے زندگی



پیڑ اتگ لنٹاں موسے

پیڑ اتگ لنٹاں موسے
 دُرُپشیت ماہکائیں دُرُوشمے

جہان ءِ روچے دردے رنگ دنت
 نزانان و ہد ءِ چونیں حا کے

من بہ باتاں شنک بیزن صد براں
 پلپیں بالاد ہجگ ءِ نر میں مولے



من کتگ تئی ودار بے مینت

من کتگ تئی ودار بے مینت
نہ لوٹاں زرد ء کرار بے مینت

بہ نوشاں ہر روج چہ تئی دیدگاں
اے قدہانی خمار بے مینت

زہیر ء آس ء دلوں جلیت
نیت سہتے سہار بے مینت

کہ سمبہیت ماہ چاردہانی
مہ کنت اش امباز گبار بے مینت

بے بیزن کہ تہنا باں
وتارا میار بے مینت



دل زریت من زراں

دل زریت من زراں

تو میائے اگاں

پلیئیں واہگ مراں

کند گانی تہا

شہدئے بینگ شلیت

چار دہی تئی لقا

گلز میں مادریں

ماپہ بیزن وتی

حاک ء دائم زریں

موسم پہ ڈولے سمبھیت

موسم پہ ڈولے سمبھیت
 دل تڑانگاں دوست ء کپیت
 نود گوں خماریں شترگاں
 کوش گوں بسکیں لڈگاں
 پہ مئے شمنے دلداری ء
 موسم پہ نازے انگاں

بیا سنگت ء بیلاں گوشیں
 بیا دازی ء سنیل ء روئیں
 چاراں بنیں سارتیں ساہگے
 نندین ء دیوانے کنیں

بستگ بہار ء جمبراں
 کرت اش ہمک جاگہ مئے تر

ڀٽڱ ٻه رڻگه سمبھٽ
 زر ءِ ٽلاه گل زٻورٽ
 دوست اٽ منا چو ڊٽگ ءِ
 جانل كه سنٽل ءِ ڊرڪٽٽ



من چوشےء و تا داگ داگی کتگ

من چوشےء و تا داگ داگی کتگ
دوست دست ء شتہ، یار جست ء مہ کن

زہیر نالیت کپوت دل گوٹشے کپ بیت
بے وس انت چو منا، یار جست ء مہ کن

تو نزان ءے منی زمیں حالاں دل ء
چنچو لوٹاں ترا، یار جست ء مہ کن

روچے ء ناگہاں من جتا بیتگاں
من نشتاں پہ وت ء، یار جست ء مہ کن



تئی شوہازء درکپتاں من نزانٹ چور دباں

تئی شوہاز ء درکپتاں من نزانٹ چو رد باں
چو دل ء نہ دات گوائی لبر مئے درآمد باں

وہد بے تواری ء جاتوے دل ء کشیت
گوں نگاہاں ٹک تیریں ما چو سید ء یک زد باں

ریتنگ آنت دل ء اومان راز داتگ آنت زردء
دوست ء دو سستیگیں دوزواہ من نزانٹگ چو بد باں

مئے خیال زیبائیں باریں کد پہ کاگد باں
من نزانٹ لبرزانک ء مئے نشاں ء مئے پد باں



بہ گوارانت ہشی جمبر

بہ گوار انت ہشی جمبر
بہ میس انت زید ء کچھر

مدام رو آ تئی بات
بہ سبز انت راہ ء راہسر

پہ راج ء دور نہ انت منزل
جہد کار انت کہ راہ دربر

پہ بے مہریں چوشیں زند ء
چوں ویران انت مئے کُلبُر

تو بیزن نیم راہ ء
زبان پرورشت ء بوت ء واتر

برپیں بدن آساں بہ بات

برپیں بدن آساں بہ بات

گوں مس شہی پاساں بہ بات

بالاد مئے دمبر تگیں

تئی ساہگ ء ساساں بہ بات

تئی گس ہما مہر ڈرو شمیمیں

گوں مہلبی باساں بہ بات

مئے مادریں ڈیہہ ء گشان

جالار ء نک لاساں بہ بات



رہبتگاں دُور من دراں ڈیہہ ء

رہبتگاں دُور ء من دراں ڈیہہ ء
 زندگی تہنا، گوں غماں جیڑاں
 نیلاں ڈیہہ ء ترانگوں باز آنت
 نئے وتی ملکی مردے گنداں
 نئے وتی براتانی وراں دردے
 نئے وتی گوہاراں پہ دپی جستے
 نئے وتی مات ء زرد ء ارمانے
 نئے پرت ء پیرین ء عصائے باں
 نئے پہ دوست ء شکلیں نیادے
 نئے وتی سیاداں گند ء دیدارے

سک منی سار تیں پیر کی واجاہ
 من شپانکے ہاں کوہسراں گرداں
 گوں بُزءِ میشاں گوانک ءِ چپہالے
 گوں نل ءِ زریناں بیاں ملما



یات شنزانت سر بہاراں چم نہ گندانت کس ء

یات شنزانت سر بہاراں چم نہ گندانت کس ء
 زردء زید ء زہیر گواراں چم نہ گندانت کس ء

بند کتگ در وشیانی پُر عذائیں نوبتاں
 ما پہ امیت راہ ء چاراں چم نہ گندانت کس ء

تلوساں دوست ء ہمبل ء براتاں
 کھیں مات ء گوہاراں چم نہ گندانت کس ء

وطن ماتیں کہ دژمناں چم داشتگاں
 انگت بچ بے میاراں چم نہ گندانت کس ء

ماں کہیر ء سبزیں بالاد ساہ بندوک انت منی
 چو کپوت ء من بہ نالاں چم نہ گندانت کس ء

نئے تو ارے میثانی نئے شپانکے گوہ کنت
 بُزگلانی واہ ء زاراں چم نہ گند آنت کس ء

نشتگاں تہنا ماں ترانگانی ساہیل ء
 سک ابیک ء بے قراراں چم نہ



گوں من ء نہ بیت اوژناگ

گوں من ء نہ بیت اوژناگ
گانڈوے تئی گورم ء انت

دل نہ بیت دو کپ چوں؟
تئی زہیر زہم ء انت

مارا تئی ہمک دانکے
سرگ ء چو چم ء انت

ہر کسے وتی ترس ء
پہ گنوکی وہم ء انت



تہاری بیت جہان ءِ رُژنے تالان

تہاری بیت جہان ءِ رُژنے تالان
کہ وہدے ماہکان گیوار کشیت

تئی گم ڈنگ جن انت زیمیں دل ءِ را
کئے انت کہ چومن ءِ اوپار کشیت

تو شادان ءِ ترا گم نیست کسی
مئے شپ روج دل غمانی بار کشیت

دل ءِ جزماں کہ روچے مارا الم
وتی چہ میتگ ءِ سردار کشیت

بہ کن توبہ چہ عشق ءِ کہ کزای
گوشتے نادراہے کہ اُفار کشیت

دنیاۓ بازیں تڑن ۽ شنگانے سرا کتگ

دنیاۓ بازیں تڑن ۽ شنگانے سرا کتگ
ترا ہچ میار پر نیست ماوت و تا کتگ

تئی گپ ۽ پنناں ترا سست گوں من ۽
کئی شیر کنیں سکیناں ترا بے وفا کتگ

ہو سہب ۽ موسم ۽ کہ ٹپے کدینتگ پیشی
برگاہ ۽ موسم ۽ پدا ٹپے دوا کتگ

زرد ۽ مئے ٹپ آزگیں پہ گپے ۽ کدیت
وہد ۽ نگیگیں جاوراں دوستے جتا کتگ



گل ء من پیم نہ باں تو پہ مجتبی بیائے

گل ء من پیم نہ باں تو پہ مجتبی بیائے
من گدان بالینتگ ماہ ء دروری بیائے

دلوں نہ بیت تسلہ تئی ادارکی دید ء
روئے تو باریں پدا کدی بیائے

کیا گوں گلہ کناں اے دو روچی دگنیا ء
ترا کہ واک نہ بیت کڈک ء منی بیائے



تئی خمار و ابے کہ پرشیت چماں

تئی خمار و ابے کہ پرشیت چماں
 مہر تئی کانگے ہشیت چماں
 کوکواں شانیت مرگ باگانی
 انگریں زہرے پر مشیت چماں
 تئی خمارانی ہوُر گواران انت
 تئی شراب رنگیں کئے گوشیت چماں
 دل کسے ء پہ مہر اوگاریت
 تئی شِگان رنگیں پیلوشیت چماں
 من و دنیاے سازیتگ پہ وت
 کئے پدا و ہد ء سر کشیت چماں

گوں وتی بانوری پُچاں

گوں وتی بانوری پُچاں
گوں مہ کن چو دوچ مارا

لوٹ وتی زرد ۽ تماہاں
یل بہ دے تو سوچ مارا

بے ترا مونجاہ بیت موسم
جنت چو گوندوچ مارا

ایوکی پر من عذابے
سوچیت عہد ۽ روچ مارا



ترانگ ء زہیر ان انت

ترانگ ء زہیر ان انت
 دید گانی اومان انت
 بیاتر ابہ گنداں من
 زرد ء یگیس اومان انت

گوات سارتیں سہبانی
 و شبوے کدی کاریت
 مسک ء تئی زبادانی



بہ مانیت زندگی تاں کد

بہ مانیت زندگی تاں کد
دل ء ارواہ بہ بنت یکجاہ

زر ء گوآت ء تیٰ ملگور
ہمک بیگاہ بہ بنت یکجاہ

نہ کنت اش پروشت پہ ارزانی
منی دوزواہ بہ بنت یکجاہ

زمین ڈکیت گوں آزمان ء
کہ روج ء ماہ بہ بنت یکجاہ

ایتانی تھاریں شپ
 بہ بیت بانگواہ بہ بنت یکجاہ

من ء بیزن دوئیں ہر دو
 مدام یکجاہ بہ باں یکجاہ



دلبر ۽ دوستیں، همسراں چاپِ انت

دلبر ۽ دوستیں، همسراں چاپِ انت
 میتگ ۽ راہ ۽ رہسراں چاپِ انت

مہہ کج ۽ برُمشے کپتگ اش گوشاں
 مُرتگیں باگ ۽ ڈنگراں چاپِ انت

پہ منی واب ۽ عہدی دودآ ۽
 دست ۽ کاٹار ۽ اسپراں چاپِ انت

ترا ہلو ہالو انت وتی کُل ۽
 نر مزارانی سنگراں چاپِ انت

بیگہ ء گوٲات ء سر کتگ مرچی
دلبر ء مسکیں مہراں چاپ انت

گوٲرت بہارانی موسمی ہوٲراں
کور دپ ء زید ء کوہسراں چاپ انت

نوں گمان انت کہ وهد بدل بوتگ
من پہ بیزن ء زراں چاپ انت



منی تو دیدگ ء جان ء جگر بیا

منی تو دیدگ ء جان ء جگر بیا
نباں بے تو دمانے ہمسفر بیا

سد کہ باتاں تئی نرمیں رواجاں
کپوتی لڈگانی وش جبر بیا

گوں دوستاں در کپی گل پہ سوادے
منی تو کل ء سہتے مان بہ تر بیا

کتگ ہلکے دگہ بانک تو آباد
ایتکیں بے ترا باگیں کسر بیا

مروچی وت نزانان من کہ بیزن
کتگ تو قاصدے پہ مانپر بیا

اومانان مناشتر زرتگ

اومانان مناشتر زرتگ
دشت سرگلگین ڈنانی

مولم پہ بہار ساچانی
گیر کاریت شپانک میشانی

نشتگ ساربان زہیر نالیس
جٹ ڈاچی ہرانی

زرد بے وسی ماندار آنت
ترانگ کولڈ دازانی

دہکان ماں حیا لائ کپتنگ
جنگ ء کیگ ء گو اشنانی

انگت ء شپانک گیر کاریت
شہدیں نیمگ ء بچانی

انچو بلگاں اومان انت
شیریں شیرگ ء زکانی

حاگاں گپتنگ ء زنگ کپتنگ
شہموکیں سگار مردانی

بیزن صد براں حیراتیں
آسکی دیدگیں چمانی



ہوِراں گورنگ ءِ موسمِ شنگیتگ

ہوِراں گورنگ ءِ موسمِ شنگیتگ
 زہیراں زیادہیں مردمِ شنگیتگ

سہتے در بہ کپ و شیں موسے
 پہ تئی چارگ ءِ ہر چمِ شنگیتگ

استین کو کرے دازئی ءِ سر ءِ
 پہ مئے قسمت ءِ اے ہمِ شنگیتگ

تاموریں جڑاں بستگ کہ گوشے
گیوار ۽ تی شم شنکیتگ

بیزن دل گوشیت دنیا ۽ بہ سوچ
دڑاہیں زندگی بہ غم شنکیتگ



چماں شانک دئے بچار ہر کجا جمبریں

چماں شانک دئے بچار ہر کجا جمبریں
 مارا کشتگ ہے موملم ء دلبریں

پہ دگہ واہگے گوات کشتیت چلی
 نشتگ تحت ء سرا چم خمار سردریں

سئل ء درکپتگ انت دُراہیں ہلک ء جنک
 پہ چشیں موسم ء کئے انت دل موجریں

نود شتران بیت مئے دل ء چے گوہزیت
 تو کہ دلگران بئے ما پہ مرگ زندگیں

بیزن بے حال باں چون چہ ڈیہہ ء وتی
 گل زمین ٹہیں گل زمین ٹہیں



تڑمپ تڑمپ ء شل انت ارس چه دیدگاں

تڑمپ تڑمپ ء شل انت ارس چه دیدگاں
تئی غمانی خمار ء کہ من زندگاں

دڑاہیں زند ء وتی شات ء گل داتگاں
رنج ء غم تئی دڑہیں پہ وتا زرتگاں

دوری ء مار ء تئی مارا ڈنگے جتگ
رگ رگانی تہا زہرے شنگیتگاں

من چوشے ء گنوک حائل ء پہ ہدوک
تو مئے حالی نہ بے پہک ء رد کپتگاں

سر بہاراں نہ میچینتگ انت شینکُء
 گلزمین ء دل ء چورہی رُستگاں

کوش ء پہ واہگی بیگاہ ء سر کتگ
 شنگیئیں مہپر تئی نوداں مسینتگاں

رپت بیزن کُجا مرچاں گندگ نہ بیت
 بلکیں تو سہی نہ نئے دیریں من مرُتگاں



رُمب رُمب ءِ گوز انت کاڑ مہگو نکیں

رُمب رُمب ءِ گوز انت کاڑ مہگو نکیں
انگت سیر آپ نہ بیت دیدگانی ڈگار

انچش انت کہ منا زاناں بیرے گرے
پُنتیں داتگ ودار چے گناہ ءِ میار

انچو پیریں گوش انت وهد آ وهد نہ انت
جُپاں رودینتگ سر کپتنگ انت نون حصار

تو کہ سرکشیتگ کو کرے ئے زِر ء
 زرد ء مئے کوچگ ء کت تئ مہراں بہار

گوشنگ بیزن ترا کاراں دنیا ء بل
 تو پہ ڈیہہ ء وتی دُریں گالاں کتار



گوار آنت موسمی ترندیں ہوؤر

گوار آنت موسمی ترندیں ہوؤر
 زوریت ملگ ء پُشت ء کور
 زمیں مے دل ء درمان آنت
 شہد ء شیرکنیں کوری جور

نمبی مولے سیاہ نودیں
 مسکانی اول سر شودیں
 زاناں کہ نہ بیت بوڑ ء بر
 مہرانی کشار وت رودیں

دنیا بے نپیں دنیا ے
 زندوں بے وفا ہمارے
 گوں تو من جتگ رد کپتی
 لیب ء سر سری سودایے

سر شاہ چہ سرء سر سستگ
 نازاکیں کپوتاں گرہنگ
 بیژن زندگی ویران انت
 اندوہ ء غماں شنگیننگ



سمہیت دلبرک دل بہاراں کپیت

سمہیت دلبرک دل بہاراں کپیت
واہگ ء آجگیں پل ملگزاراں کپیت

ہوش کیت انت ہما وہد ء لگیت سرء
راج ء سردار مئے چہ سواراں کپیت

آجگیں پلانی تو مان دارئے دل ء
سر تئی ڈنگر ء حشکیں داراں کپیت

آپہ ارزانی ء مارا بے حال کنت
وہدے لال گوں وتی دزگوہاراں کپیت

کندے پرچہ منی تو پہ مونجائی ء
 وہد روت ہر کسی درنگ ء داراں کپیت

بے شاد ء گل ء بادشاہی کنئے
 سر تئی الم منی سر ڈگاراں کپیت



بانک نیم خیال آگاہِ انت

بانک نیم خیال آگاہِ انت
 کرگوٹھے گوشے واب ء انت
 جیگ بندے تچ انت بے راہِ انت

جانل گوں وتا لیب ء انت
 ہمراہ ے گوشے بیگواہِ انت

بو ء مہلب ء دانیچکاں
 مالیت ماں شپاریں بیکاں
 برواناں دگہ رنگے جنت
 لنٹاں ایر کنت مزواکے
 چٹاں سرگ ء کنجیل کنت
 مارا چارگ ء مہتل کنت

ماری لنگاں مُندریکے
 گوش ء نالک انت ء باڑی
 گیوار ء شما کیدے کنت

پاداں پادینکاں لہمیناں
 گوشاں باڑی آں جاڑیناں

زرد ء چوں وتی سہڑیناں
 نوشاں کدہاں جوڑیناں
 بے واہیں دل ء واہیناں



زہیراں زرت منا ارمانی

زہیراں زرت منا ارمانی
 دشت ء کوچک ء زیدانی
 کوہ ء کنڈگی پرانی
 بُرزیں ڈمپگ ء جُرّانی
 گورکاہ ء لدگ شیپانی
 سر سبز انت چگرد تلّانی
 شنگر گراں بریں کہیرانی
 گنڈیل سبز ات انت بیٹانی
 پلاں زرڈکیں شمشانی
 پراہیں آکو ریکانی
 دانیچک دان ات انت کورانی

از بوتک سبز ات انت ملانی
 آپاں شیر کنیں کنڈانی
 شہدیں کونر انت گیرانی
 وش انت دور جنگ میشانی
 نرمیں لڈگ انت بگانی
 شاگیں ترددگ انت آسکانی
 سنیل جاہ انت ہمک کاڑانی

باگیں کمبی ء نازیناں
 آپاں کمبی ء شہدیناں
 کوہ ء کور دپاں سبزیناں
 ریکی پوٹھاں زیدیناں

شمش انت گوں پتن تاکیناں
 ماری آلکو دراجیناں

کاش آنت دَرَج سر لمبیناں
 ہلک ء بزرگلاں رُمبیناں
 جہلیں ماں زراں نیلیناں
 پگر ء بوجی ء تاچیناں
 واب ء پاد کناں واپیناں



جلوہ داریں میتگ ۽ کشک ۽ راہاں تند بستگ

جلوہ داریں میتگ ۽ کشک ۽ راہاں تند بستگ
سر و گیس کوهانی پلین پیرگاهاں تند بستگ

گلزمین ۽ مسکیں حاک ۽ دل چوتین ۽ تپسیتگ
میریں بچانی لاڑیں واب جاہاں تند بستگ

بلکیں روچے گیرین انت ساه ۽ سندیت منی
من وتی دل عاشقیں گوں ہماہاں تند بستگ

روچ ۽ تیلانک دیاں من شپ نہ کنزیت جاگاہ ۽
پہ منی نر ۽ گوٹھے اے سال ۽ ماہاں تند بستگ

پہ گناہگاراں اے دُنیا لذتانی جت انت
پہ ہما اللہ ۽ ترس ۽ بے گناہاں تند بستگ



بچاں پہ مُراد رو دیناں

بچاں پہ مُراد رو دیناں

ندراں واہگ ء ارمانی

بچاں پہ مُراد رو دیناں

رکینت ہمک دوریاں

رنج ء سسکی ء سو ریاں

پرو شیت چوڑیاں دستانی

بچاں پہ مُراد رو دیناں

سار تیں چلک ء گور بچاں

جان ء ٹپڑ ء گوں پچاں

ہو ر ء گوارگ ء شترانی

بچاں پہ مُراد رو دیناں

کلمیر لاڙک ء دز بندیں
 چاریں نیمگ ء مید بندیں
 شاگیں گوانزگ ء پاسپانی
 بچاں پہ مُراد رودیناں

مات ء پت تئی قرباناں
 گیگاناں تئی جی جاناں
 ندریگ انت تئی گپانی
 بچاں پہ مُراد رودیناں



دوچیت جامگاں خونیناں

دوچیت جامگاں خونیناں

ہرُ جنت ادلساں نوکیناں

بالاد باہڑ ء بالاچیں

ایر سستہ غماں زمیناں

کل ء درکپیت مہگونگ

آستونکاں گروک شہمیناں

سہر ء ماں کنت مندریکاں

ماری لٹکاں لہمیناں

پیداک بیت دو بر دودائے
لانک ۽ جابواں سنجیناں

ترانگ تئی ہمک بیگاہ ۽
زرد ۽ غم جتیں ٹومیناں



بے وہدء پل سرپتگ انت

بے وہدء پل سرپتگ انت

تبدء لوارء کشتگ انت

لانٹو رگتء ریک پل

بانگواہء نمبء ششتگ انت

وہدے کئر بر بوتگ انت

لٹ اش سرا ماں وارنگ انت

تہلیں شگانء ترندیں گپ

کوہیں دلء ایر برنگ انت

دلبر تئی یاتء زہیر

چو لشکرء ماں رتگ انت

بیا کہ تئی بے مہری ء
 واہگ دل ء گیمرتگ آنت

سر بوت ہر کس آپسرے
 ہمراہ منی پشکپتگ آنت

بیزن ماں راہ ء مادنیں
 ما گوں دل ء رد کپتگ آنت



وہدء باریگ گوہستگ انت

وہدء باری گوہستگ انت
 سر بہارء ساچیں جمبر
 چو کہ بشامی جڑء
 گوہارگء کائنت کدی
 لہمیں نودے سر بہ شنزیت
 پہ ہمک بیگاہ زبادیں
 سار تیں زر کوش سر بہ کنت
 لالء ملگوراں بہ کنت شنگ

ڈیہہء زیدء کورء شپیاں
 صد ہزار لکھء بہا
 کوہء شہدیں کونراں
 کوہے دگء گوزاں

چارگہ پہ سیر نہ باں
 بیٹ سرائی سبزیں سکّاں
 من شمشکار نہ باں
 گیر کاریت انگتہء دل
 جوراں جور آپ جنگلہ
 پنس کہورہ آپ کُرمے
 چوشہدہ شیرہ ووش ترانت

مرچاں ہچی گواہ نہ دنت
 وہدہ گپتنگ انت
 گوش پہ سار بانی زہیروکہ
 پہ چہیہالہ زرانت
 ہلوہالو جنکانی دپہ

نیکہ کو کواں کیوتی
 نیکہ ناگ شاتلی

دل ارمانی مہ بو کہ
 و ہدء باری گو ستگ انت
 و ہدء باری گو ستگ انت



جٹ ۽ گندل کناں

جٹ ۽ گندل کناں
ساربانى کناں ساربانى کناں

سورگیں لوجراں
زوراں آس ۽ کناں
نیم روج ۽ جلاں
بیا پُرانی پچاں

تیر بندیں موسم ۽
جہہ جنگ کوکر ۽
نشنگ درائیں شپ ۽

گپ ء دیوان کتگ
 لہنتیں زہیروک جتگ
 لہنتیں قصہ جتگ
 دیم چ وتری ء
 اتلگیں ما کمتی ء

چاریتگ ساہگے
 نشنگیں پچی ء
 عہدی یاتاں کیاں
 ما گوں ہمراہ یلاں

ساربانى کناں ساربانى کناں



ہمیش انت مئے شاعر دگہ چے بہ کنت

ہمیش انت مئے شاعر دگہ چے بہ کنت
وتارا گوں گلہ و تا نیاد کنت

نہ روت ٹپ زبان ء داں زندمان
دل ء ٹپاں کوہنیں آ نوک واد کنت

منی گلزمین انت چو حانی ء دروشم
دلوں شئے مرید انت پریاد کنت

دو لبز ء تو بیزن چو شیکل مہ بے
ترا چوں پہ گندگ وتی سیاد کنت



وتابہ رگین بدانی آسء

وتا بہ رگین بدانی آس ء

مئے زند سُچانِ انتِ غمانی آس ء

ترا نہ بُوتگِ مئے دوستی ہچیر

کتگِ منی تو نشانی آس ء

بچارِ دنیا ئے طالع ء را

پلکیتگِ ماہکانی آس ء

من زاناں بیزنِ چوشے مرید ء

کتگِ وتی نوجوانی آس ء



چاردہی ماہ پیشگاہے ء نندیت

چاردہی ماہ پیشگاہے ء نندیت

دل چو مُرگ ء روت شاہے ء نندیت

زندگی منی قصہ ء ہنچیں

منزلے چاریت دُوریں جاہے ء نندیت

بلکیں پہ واہگی بہ کنت واتر ماہے امیت ء آنت

دل پہ عمرے ء انگت بے وفاے ء نندیت

دُوریں شُستیں دوست نول نہ بنت واتر

چو گنو کے ء بیزن پرچہ راہے ء نندیت



زندگی چو گوشے کہ زندانے

زندگی چو گوشے کہ زندانے
گوشے ماجین ء تہلیں درمانے

ہر کس ء گند کہ چو نواب ء انت
شوانگے است نئے کہ دہکانے

شزراتیں گوں زباد ء و شبوہاں
مہپراں تئی بہ بستیں ساچانے

بیا کہ تئی دوری ء من ء بیزن
دل پہ دنتان داشتگ ارمانے



اے بزرگی ء واری مئے قسمت ء نصیب انت

اے بزرگی ء واری مئے قسمت ء نصیب انت
اے روچ ء شپ، تہاری مئے قسمت ء نصیب انت

مئے تالہانی پلاں سبزگ کدی نہ دیستگ
نئے موسمے بہاری مئے قسمت ء نصیب انت

کوش ء سمین سارتیں نودانی شتتر لہمیں
پچن بس آس گواری مئے قسمت ء نصیب انت

من ہرکس ء گوں نیکی بیزن کناں نہ ساچیت
کس ے نہ انت میاری مئے قسمت ء نصیب انت



جھمبراں بستگ نودء ساچان انت

جھمبراں بستگ نود ء ساچان انت
دل منی تھلیں قدحاں مان انت

سارتیں سرگوات ء لڈگاں نرمیں
نود کانت گوں شنزگاں لہمیں

بیگہاں بٹی کوکروں بنداں
من رواں راہانی سرا ننداں

بیزن ء بیا کہ پہ تو گر بستگ
تئی جتائی ء سک زہیر واراں



یل دے ماراوتی چندُ شارء برو

یل دے ماراوتی چندُ شارء برو
تو دل ء چہ درا بے توار ء برو

پرچی نال ءے کپوت پہ بہار گاہ ءے
تو وطن دوستے ءے خشکیں دار ء برو

ہو کہ اے میتگ ء نیست کسے منا
زانان مردم چداں لڈ ء بار ء برو

تراں دا تگ پدا ملکومتیں غماں
بوت کنت زندگی گوں مہار ء برو

کاریت رڑنے جہان چہ کجاچے بہ گوش
چار دہی دڑو شمس ماہ گبار ء برو

آ کہ تی ملید ۽ ملگزار کپتگاں

آ کہ تی ملید ۽ ملگزار کپتگاں
مِسکِیں ڈیہہ ۽ منی ہشکِیں دار کپتگاں

نوں و یلے مہ کنت چو منی گلہ ۽
من گوں انچیں غمے ۽ دُچار کپتگاں

مارا تی دُوری ۽ انچو بے وار کتگ
ما کہ روچ ۽ شپاں پہ ودار کپتگاں

آدگہ وهدے ات سرگوں سر ہور اتاں
نوں میار جلّ تچ آنت ۽ میار کپتگاں

وئشیں تئ نندء نباد وئشاں تئ گپء ء تران
 مارا یل دئء کہ مئ دڑائیں کار کپتگاں

ماکہ بیزن چے پیم ء کناں شات ء گل
 مئء کہ تناپ ء ڈیہہ ء ڈگار کپتگاں



سر مچار لشکر بہ باتاں

سر مچار لشکر بہ باتاں
 پہ ترا اِشکر بہ باتاں

سنگت ءِ مئے بیل ءِ ہمبیل
 منزله ءِ سر بہ باتاں

گوات کسیت انت بیگہانی
 شنگ تئی مہپر بہ باتاں

دڑیگتے مہرانی دڑچکے
من بہ باتاں بر بہ باتاں

دائِم ء سائیل ء ساچان
تئی سرا جمبر بہ باتاں



آزمان کہ شارے ۽ رنگ ۽ کپیت

آزمان کہ شارے ۽ رنگ ۽ کپیت
کار مارا پہ کور ۽ لنگ ۽ کپیت

من ہما روج ۽ وت ۽ پاہو دیاں
دل منی عشق ۽ اگاں جنگ ۽ کپیت

بو۽ دانیچکاں زرے بانوری ۽
کد چُشیں گواپے تئی پنگ ۽ کپیت

ہج نہ چارات بیزن ۽ ماں آس ۽ آپ
نوں گوشے مُرگے شپاں درنگ ۽ کپیت



نود شتر آنت زاپرانیں

نود شتر آنت زاپرانیں
 دل کپوتے ملپدانیں
 ہور گوار آنت موسمانی
 کیت بیگاہ کدہانی
 کیت شپ تئی وعدہانی
 چارده انت شپ ماہیکانی

ندرائ تئی ملگوری گواپاں
 گندگ ء تئی من دلاپاں
 پہ ترا بیا دل مئے مانیں

تو وتی زرد ء نون بیزن
 مئے حیال ء شود ء درکن
 نون نہ باں ہچ پیم ء تئی من
 اے منی گوں تو زبانیں



اینگو، آنگومہ کن مٹگی انت ترا

اینگو، آنگو مہ کن مٹگی انت ترا
تو مئے زنگ ء جن ئے باریں جی انت ترا

تو کہ گوں ہر کس ء نند ء نیاداں کنتے
جوریں دنیا ء تب دارگی انت ترا

نوں گمان انت منی زند ء یکیں شپ انت
چاپ ء ہالو ہلو دارگی انت ترا

دڑچک مہرانی مئے نقش انت پگراں مدام
بژن بیزن بلئے گڈگی انت ترا



نود مرچی شنزگ ء انت

نود مرچی شنزگ ء انت
دل چو پل ء سبزگ ء انت

زرد ء زید ء ملپداں مئے
تئی غم ء جُڑ گزندگ ء انت

دیم گباراں گپتگ ماہ ء
لال بیکاں رندگ ء انت

نوں ہمیش انت زندگی مئے
رستگ گڈی کندگ ء انت



تو وتی شیپاریں مہیراں پلکار

تو وتی شیپاریں مہیراں پلکار
وِشبو ءِ مِسکاں سر رچیت بازار

تو دگہ ہلک ءِ من دگہ جاہے
مِیگ ءِ تئی باریں چون بیت دیدار

نوں کجا شاد ءِ شاد ہی باں من
ایر شنگ زرد ءِ تئی غم ءِ کاٹار

مارا زرگوات ءِ پرکتگ پٹے
شنگیتگ لال ءِ لسہیں گیوار



گوٲات کشیت تی مہراں شنگ کنت

گوٲات کشیت تی مہراں شنگ کنت
مِسک ء بو ء دُن ء اَمبراں شنگ کنت

بِیکاں شانیت وتی زانِراں شنگ کنت
مانداریت دل ء مئے دراں شنگ کنت

کپتگاں کوہ نوں جُچپاں سرکشیتگ
وہد گشتگ کیا مہتراں شنگ کنت

بارت سرگوٲات بن ء دور بنیں جاہ ء ء
کشیت شو میں شمال جمہراں شنگ کنت

تہنا بیزن وتی گال ء گپتاراں گوں
ریچیت زنگاں دل ء راہسراں شنگ کنت

چاپ جن اَنت کوش ءِ سمین

چاپ جن اَنت کوش ءِ سمین
بانور بیت مائیں زمین

زُرتگ ترا ما تہنا دوست
ما یل کتگ دنیا ءِ دین

ضعیفیں دل ءِ غم باز پر
سرد نہ بیت لہڑیں جبین

مرچاں بہشتیں زید مئے
پتنگ گوٹھے چو مثل ءِ تین

زاناں من بیزن بے ترا
در نیت منی ارواہ ءِ گین



بچار زردء را بے زبانیں

بچار زرد ء را بے زبانیں
گوں رنج ء اندوہاں سرجنانیں

اے وہ بے حاجتی گوازانیں
بہ شکنگیں بیٹاں تو زاپرانیں

مئے ژندیں ارواح سر سچان انت
کہ آ گوں بانوری ء گدانیں



پہر مہ بند کہ کہبگیں دہر پہ تو دوزوا ہے نہ بیت

پہر مہ بند کہ کہبگیں دہر پہ تو دوزوا ہے نہ بیت
انچش انت دنیا من زاناں مارا ہمراہ ے نہ بیت

من چوشےء داگ بنداں دانکہ است ء زندگاں
داں تئی دل بند ء نرمیں مئے سرا جاہ ے نہ بیت

وش بیت حاتر حیالاں تو کہ رُو ء پچ کئے
اے تئی سوگات ء مہر ء پچن دنیا ے نہ بیت

دوری ء مارا تنگی ء سوریں کنڈاں آپ دات
داتگیں غم کئے گوشت کہ زند ء ہمراہ ہے نہ بیت

اش کتگ من بلکیں دیر انت نام تئی بیزن بلئے
من ترا پچا نیاراں گوں تو سوداے نہ بیت

او کپوت سبزیں بال ء نیم بالیں

او کپوت سبزیں بال ء نیم بالیں
جی پہ تئی کو کو آں زہیر نالیں

چم بہ ترکاتاں کہ کسے گنداں
بے ترا تہنا کپتگ ء ژنداں

نود ماں آزمان ء دل ء گیراں
غم تئی کوہیں مئے دل ء برّاں

زوراں تئی ترانگ موسماں و شیں
نندیں ما اندوہاں دے کشیں

چندن ء مسک ء بوے آتاریں
انشپی میگ ء لال ء دیداریں

ٹہلیں بانور ؟ ماں زیاد مالیں
گلزمین ماتیں پہکہ جنجالیں

روح زہیرانی شمشک ء لاساں
شپ مدام کیت گوں پکر ء وسواساں

چہ وتا مارا دوستاں گیشینگ
دژمنناں سو بے ماں دل ء زرتگ

نیکہ ہمراہ ء دوست ء نئے سنگت
مارا نیست بیزن نوں کسی حاجت



مُیگِ ءِ تئی باریں چوں بیت آسر

مُیگِ ءِ تئی باریں چوں بیت آسر
شنگِ اِتاں آزمانِ ءِ دلِ ءِ جمبر

پہ ترا مسکِ ءِ مینتگِ اَنتِ ہمبوه
پہ کہیبِ کاڑاں گوپتگِ انتِ مہیر

تو مہ کن مہرانی پری گلہ
عاشقیِ ءِ ما داشتگِ اَنتِ سنگر

کُنیتِ بہارانی دلِ تبیں موسم
سبز بنتِ شیپِ ءِ کوردپِ ءِ کوہسمر

دل سیریں جمبراں آزماں پوشیتگ

دل سیریں جمبراں آزماں پوشیتگ
 شنگیں لگوراں تئی ماہکاں پوشیتگ

شنزیریں موسم کہ تو ڈن ء اوشاتگ ء
 دل خماریں گوٹھے قدحاں پوشیتگ

روچے ترانگ بہ کن بیا تو مئے گندگ ء
 مارا زہیراں تئی ہر دماں پوشیتگ

ما بلوچیں بلئے نام چیر تریتگ
 آزاباناں دری مئے زبان پوشیتگ

انگت قربان نہ بیت چوں مئے سالونکیں سر
 ہرڈکیں دست گل ء سنگہاں پوشیتگ

پرچہ بیرن کئے گلہ ء ساہگ ء
 کینگ ء آس ء اے جہان پوشیتگ



مارا چو نہیں داد بخشیت

مارا چو نہیں داد بخشیت

بے وفا بس یاد بخشیت

زندگی مئے روج پہ روج ء

غم منارا زیاد بخشیت

مہر تئی دریائی چولے

زرد ء ریکاں واد بخشیت

مارا پہ سوچا کیں دانکاں

آ پری بالاد بخشیت

مئے وڑیں ابدالان بیزن

کئے خماریں نیاد بخشیت

